



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTT 0018734 23  
Sarajevo, 05.01.2024. godine

**HITNO!**  
**PRITVOR!**

**SUD BOSNE I HERCEGOVINE**  
**SARAJEVO**  
Sudiji za prethodno saslušanje

Na osnovu člana 35. stav 1. i 2. tačke i) te člana 226. i 227. Zakona o krivičnom postupku Bosne i Hercegovine, p o d i ž e m:

**OPTUŽNICU**

**PROTIV:**

**ADNANA ĆATIĆA**, [REDACTED] rođenog [REDACTED] 1988. godine u Zenici, državljanina BiH, [REDACTED]

**Zbog postojanja osnovane sumnje da je:**

Tokom 2013. godine, stvorio plan s ciljem odlaska na ratište u Siriju i pridruživanja terorističkoj grupi Džabrat AL Nusra, koja djeluje na području Sirije i koja je od strane Vijeća sigurnosti UN-a broj SC/11019. 2013. godine proglašena terorističkom organizacijom, nakon čega je dana 01.07.2013. godine sa aerodroma Sarajevo napustio BiH i otišao u Republiku Tursku, a zatim ilegalno prešao na teritoriju Sirije gdje se priključio terorističkoj organizaciji Džabrat Al Nusra, a koja teroristička organizacija ima za cilj destabilizaciju i nasilnu izmjenu političkog i ustavnog poretka u Siriji, a čiji pripadnici svakodnevnim oružanim akcijama i to napadima na stanovništvo, ubijanjima, protupravnim zatvaranjima, uzimanjem talaca i drugim radnjama namjeravaju da prisile legitimne vlasti Sirije na izmjenu ustavnog poretka i političkog režima, a čiji je pripadnik postao Adnan Ćatić i u kojoj organizaciji je prošao vojne obuke, te postao snajperista ove terorističke grupe i učestvovao u borbama protiv legalne vojske Sirije, gdje se zadržao sve do kraja 2021. godine.

**Dakle**, pridružio se i postao pripadnik terorističke organizacije,

**Čime je**, počinio krivično djelo Organiziranje terorističke grupe iz člana 202d. stav 2. u vezi sa stavom 1. Krivičnog zakona Bosne i Hercegovine, a sve u vezi sa krivičnim djelom Terorizam iz člana 201. istog Zakona.

**TUŽILAŠTVO BOSNE I HERCEGOVINE**  
**T U Ž I L A C**